

四庫全書

集部

欽定四庫全書

林登州集卷五

明 林弼 撰

七言律詩

用貢泰甫尚書韻別吳君濟掾史

東風蒲柳滿江濱  
酒離亭暫別君  
春事又隨紅紫老  
人生每似燕鴻分  
榕亭雨過聞鶯語  
桑海天青見鶴羣  
東府仙人應握手  
三神高處望紅雲

海漕使京停舟雞嶼呈朱伯厚明府王克明邑尉  
遙山盡處是滄溟眼底雲濤一色青野鳥隨波明遠白  
毒龍挾雨散餘腥水濱女佩春留月天上仙槎夜泛星  
賴有同舟賢李郭柁樓尊酒火熒熒

桃花洋

溪上桃花秦隱居桃花海上意何如放舟定有迷津客  
躍浪應無點額魚紫鰕春肥風暖處紅潮晚漲雨晴初  
詠詩無限蒼茫興十丈雲帆切太虛

秦皇廟

往事悠悠逐海波  
荒祠寂寂寄巖阿  
三神山下仙舟遠  
萬里城邊戰骨多  
東魯尚存周禮樂  
西秦空壯漢山河  
早知二世能移祚  
崖石書功不用磨

送吳允思之南海令

曾收圖籍入燕初  
還擁瘡痍下粵餘  
應有雄文韓子繼  
也知清操隱之如  
棠陰琴靜風生席  
花外詩成雨滿車  
天上故人青眼在  
暫煩百里試才諳

題張將軍百勝圖

知兵昔學萬人敵，開國今收百戰功。  
列戟枝寒瓊帳雪，團袍花暖錦旗風。  
鳳臺玉帛華夷會，麟閣丹青褒鄂同。  
賴有畫圖詩卷在，風流不盡大江東。

傅子敬之淞西憲副

聖朝司憲重才華，况復三吳近帝家。  
右掖清風生桂樹，西湖新雪到梅花。  
府中此日逢聯璧，天上何年共泛槎。  
具慶高堂多喜氣，綉衣綵服照晴霞。

武夷萬年宮

十年三過武夷山，翠壁丹崖歎莫攀。  
藥竈烟消天地老，樵歌聲斷水雲閒。  
虹橋未許秦皇識，鶴馭空隨漢使還。  
曾是隱屏峰下客，謾教啼鳥笑詩慳。

送林鍊師歸武夷

三山樓觀倚雲開，九曲溪山入夢來。  
半夜丹光分洞壑，常時劍氣動風雷。  
幔亭峰頂霞杯進，石鼓灘前月棹迴。  
吹徹玉簫空想憶，故人正在鳳凰臺。

送宋仲衡歸金華

景濂學士之子中書舍人

江花飛雪送殘年  
客思隨雲度遠天  
朱雀橋邊車若水  
金華洞裏酒如泉  
明經已踵韋賢後  
對策應推賈誼先  
無限故山松與竹  
平安好報玉堂仙

寄題安慶譙樓

我愛舒州趙使君  
危樓高架出羣紛  
水通桐栢環千古  
天近蓬萊擁五雲  
晴日壺觴花底集  
寒更鼓角月中聞  
欲題詩句慚崔顥  
況是賓僚總好文

奮倪子京

笑我生涯似轉蓬多君意氣慕長風十年荆杞迷周道  
萬里江山繞晉宮奉母曾聞三釜樂論文還喜一尊同  
明廷有詔徵才俊好與夔龍叙九功

題陳王墓

王父母歿自陶磚以結塚或云其地有王氣

將軍山下陳王墓落日西風秋草繁斷甃千年餘手澤  
豐碑十丈滿苔痕山河不改英雄老天地難窮忠孝存  
酹罷椒漿成佇立一聲去鶴月黃昏



輓陳和卿三山別駕

候騎迎晨趣倅車星芒入夜實城墟三神山遠夢魂斷  
百尺樓空豪氣除人去鐵衣悲汗馬客來珠履嘆無魚  
條侯能復家聲舊細柳于今有簡書

中秋翫月二首

見月令人寫百憂况逢良夜半三秋星河有路通蟾闕  
雲海無波湧蜃樓老桂一枝客手折仙槎萬里謾神遊  
清光莫照干戈地憂國詩人易白頭

其二

風雨良宵大半妨，清秋此日對團光。  
百年幾度見明月，千里相思在異鄉。  
按曲雙鸞回素羽，掠舟孤鶴振玄裳。  
乾坤光霽今還兆，好獻瑤池萬壽觴。

輓夏待制

字尚之，居袁州奉旨往廣探庚申野史死於彼。

別業西江未得歸，遊魂南海竟誰依。  
丹旌題字官猶在，青史成編事已非。  
尚之修元史林侯代之入廣。有子能栽新墓樹，何

人共採故山薇。百年文獻晨星似，搔首斜陽淚滿衣。

覺初上人歸永嘉江心寺

江心古寺金焦如滄波湧出青芙蓉千歲鶴歸作人語  
九淵龍起聽梵書山屐時尋謝康樂丹砂試問陶隱居  
自是初心得真覺間身去去伴樵漁

送郭廣文

武安邑小武城如三載人賢郭校書有酒齋郎能放鶴  
得錢溪女或留魚沙場落日鴉飛急海國秋風鴈過疎  
南士祇今多嚮用君行努力莫躊躇

竹隱為富州丞烏雅士威題

洪武二年改富州為豐城

君家萬箇碧琅玕長日開軒自在看  
清興每添詩句好綠陰未放酒盃乾  
誰裁紫鳳雙龍管我乞滄浪一釣竿  
何似當年彭澤令歸來三徑日盤桓

竹山隱居為豐城黃英尚題

竹山山下黃隱君買山種竹謝塵氛  
涼陰匝地日難掃清籟滿天時復聞  
蟄龍未奮葛陂水鳴鳳空隔蒼梧雲  
最喜林霏春雨歇班班稚子總成文

西村隱居為遶城羅時用題

西村竹樹淨朝暉萬事閒來總息機  
一夜小溪春雨過半篙新水白鷗飛  
草堂作就資誰寄彭澤歸來願未違  
最憶衡門凝望處平疇十里豆花肥

送豐城張叔同之隴西縣丞

楊柳青青春水生東風迢遞送離情  
一時牛斗龍光動萬里關山馬足輕  
朝雨軟塵連隴道暖雲芳草入秦城  
公餘剩有哦松趣好詠新詩續紀行

送盧仲睿之會寧主簿

隴樹青青河水黃，獨騎官馬入秦疆。七千里外思親舍，

五色雲中望帝鄉。沙草枯時收黑黍，

黑黍即蘆粟可作酒

地蕉香。

處煮黃羊。

黃羊野生山中黃毛味如家羊

訟庭事簡邊塵息，竹屋看書

對日長。

白雲孤飛圖為豐城鄔烈翁主簿題

登高望遠思依依，目斷孤雲送落暉。白鳥明邊親舍近，  
青天盡處客心違。輕姿映水浮空濶，片影隨風度翠微。

何似故山歸去好晴霞五彩照萊衣

贈少林寺松亭長老

少林禪伯舊松亭聞說巢雲箇箇青一榻秋聲風度嶺  
半空涼影月臨扃雨花飛處蒼龍蟄貝葉翻時白鶴驚  
何日從師遊勝境共餐玉粒駐長齡

洪武三年四月望日同牛典簿王編修奉使安南

陸辭

曙色熹微漏箭催暖風開扇舜瞳迴雲扶紫鳳臺端下

山擁蒼龍殿角來玉笋聯班隨曉仗金莖分液賜春杯  
小臣職忝馳驅使擬和皇華愧不才

發京

金陵自古帝王都海宇于今混一區虎豹九關通北極  
鷗鵬萬里入南圖長干柳暗馬如織白下花明酒可酤  
使節歸來應未晚扁舟秋水滿江湖

舟過彭澤

彭澤縣前楊柳新客舟暫繫大江濱寶花滿地來天女



石筍中流護水神城郭千年非故物菊松三逕幾歸人  
此身何似醉鄉樂願乞先生漉酒巾

巖畔圓通閣嘗雨  
天花江心小孤山

有水  
神祠

### 望匡廬

大姑山下曙光催五老峰頭秀色開萬壑松杉收雨去  
一天紫翠入江來酒狂誰結淵明社詩好難追太白才  
便欲作巢泉石上江靈肯借白雲堆

### 滕王閣

落日孤舟一笛風愁看江閣化虛空  
滕王歌舞漁樵外  
唐代文章草樹中山接匡廬爭秀爽  
水通彭蠡共朝宗  
三王芳躅無人繼詠罷新詩思不窮

徐孺宅

南州表表徐高士零落猶存宅半區  
足跡何勞趨北寺  
躬耕只合老東湖禮賢太守能懸榻  
弔古諸生擬東芻  
誰識保身明哲意當時惟有郭申屠

豐城呈王熙陽太史

昔年曾說張雷劍此日同來李郭舟訪古已知神物合  
暫時且為故人留雲收日脚千山暮風送江聲五月秋  
回首舊遊如夢寐延平十里故津頭

臨江

柳外樓臺入翠微水邊簫鼓蕩晴暉樟江雨漲魚新上  
皂閣雲生鶴共飛諸老尚留詩卷在此身未逐釣船歸  
蓬窻吟罷還成醉蜜酒初香玉笋肥

廬陵逢端午

極目滄波白雨飛  
綵旗風急畫船歸  
故人此日供蒲酒  
聖主先時賜葛衣  
客裏又看佳節過  
吟邊未覺壯心違  
離騷讀罷成惆悵  
落日芳洲杜若稀

用韻贈高允令巡簡

谿山深處寡絃紛  
况復清修少似君  
竹寺酒醒聞鳥哢  
水軒琴動見魚羣  
青衣邏卒時懸弩  
白髮隣翁夜索文  
剩有長材供著作  
賈生名久漢廷聞

南康縣

小縣深依山水清時聽舊事話遺眠萬株松古張公種  
齡九獨秀峰高蘇子名子瞻谿到南安流自淺嶺過大庾地  
還平西風翹首江頭路此去猶餘兩月程

次張志道學士與龔景瑞詩韻

先生家住翠屏峰鄉夢常時送曉鐘十載故人青眼舊  
千山歸路白雲重天涯作賦憐王粲江上題詩愛薛逢  
歲晚相從應有約爲尋桃竹截雙筇

次王太史韻呈廣東幕僚

丹鳳樓前持詔出五羊城下放舟來雨苔已蝕銷兵柱

劉鋹所鑄

春草都荒望漢臺杖探仙蒲青玉節酒分香桂碧

螺栝不妨日對南風醉綠水紅蕖翠幕開

用王編修韻呈梧州劉太守

萬里南風送驛舟蒼梧江上景逾幽一雙白鳥常隨棹  
無數青山總入樓鳴鳳不來芳樹暝嘉魚初上碧波秋  
故人解送桂香酒洗盞臨流破客愁

答劉蒼雪通守

扁舟南汎雙江曲，傾蓋相逢一笑中。  
沈李筵開鷗鳥渚，采菱歌起鯉魚風。  
生涯安得千頭橘，流落空餘兩鬢蓬。  
曾是湖壩垂釣客，擬從山下祝雞翁。

會觀子毅省郎

十行紫詔百蠻來，一道炎雲萬里開。  
桂嶺已通新道路，梧江猶有舊亭臺。  
劇談風起魚龍窟，麗句春生錦繡堆。  
惱我懶看腰下劍，對君且覆掌中杯。

伏波廟

南征昔日此登臨遺廟空山尚至今  
萬里風雲常慘澹  
千章松桂自蕭森麒麟安用丹書像  
意以難誣清白心  
愁聽烏蠻江上笛夕陽一曲武溪深

壽佛院用太史韻

橫槎江與絳河通偶共吟仙謁大雄  
花燭滿庭蟬榻靜  
雲山當戶瘴塵空百筒清引香厨水  
兩掖涼生茗椀風  
試問參寥老開士衲裙肯贈雪堂翁

再用觀子毅省郎韻



海天極目路茫茫少憇珠林興頗長太守花邊攜酒至  
老僧竹外煮茶香小樓吹笛闌山遠落日放船風雨涼  
不有好懷相慰藉客途空復嘆流光

南寧府三首

萬里關山入塞雲高城縱目送斜曛九真海到東南接  
六詔江來左右分出洞蠻丁高髻角趁墟野婦短衣裙  
漢廷已下興賢詔從此遐荒德化聞

其二

謾說天南第一關，邊城依舊好江山。  
豐年簫鼓賽田祖，近日衣冠化洞蠻。  
孟獲革心諸葛縱，智高授首狄青還。  
三公亭上舒長嘯，落日涼風起碧灣。

其三

千疊層城十丈壕，藕花無數繞周遭。  
輕舟時獲魚盈尺，新雨纔添水半篙。  
拂地烟梢毛竹暗，倚江風樹木綿高。  
天涯無限登臨意，納納乾坤一布袍。

左江七夕得牛字

笑倚仙槎望女牛清江倒影絳河流龍泉紫氣秋猶射  
雲錦紅光夜不收烏鵲橋前波似練鳳凰臺上月如鉤  
玉人此夕應相憶一笛西風起小樓

河字

南來萬里越關河節物西涼客裏過清賞每愁酤酒少  
好懷未厭賦詩多丹江月棹秋無際銀漢星橋夜不波  
欲問支機舊時石天孫應笑鬢先皤

西字

天際初分大火西雙星飛映月華低綵樓瓜果絲初綴  
金井梧桐葉可題舊事荒唐何處問神光颯沓音幾人  
踏音幾人幾人迷可憐柳子文成巧却把愚名污冉谿

伏波臺

驛外秋山翠一堆將軍玉帳此曾開大江如月迴雲陣  
古塔凌空護石臺萬里戈船餘蕙葦千年銅柱委莓苔  
多情惟有營前柳歲歲春風入樹來

至安南次王編修韻

安南遠至極南荒炎海無垠野望長馬援臺前秋草碧  
高駢城下暮烟黃百年圖籍歸中國三郡山河保故疆  
萬里天威如咫尺西風回首白雲鄉

答牛士良典簿

海國秋風客鬢華遠來共駕指南車越裳方物供周室  
趙尉提封入漢家裘馬清狂成舊夢斗牛空濶接仙槎  
扁舟準擬同歸去明月洲前蘆荻花

發安南呈牛典簿王編修

日南留滯隔年期猶許仙槎到未遲  
小閣西風烏帽在清江落日綵舟移  
蒹葭倚玉慚三益薏苡明珠有四知  
宣室應煩前席問願因民俗一陳詩

再用牛典簿韻

萬里同歸望虎關三秋清賞愛龍山  
白雲黃葉西風外翠壁丹崖夕照間  
逸少述文誇盛集醉翁作記嘆蒼顏  
尊中有酒且須盡身後留名總是閒

贈黃林隱

我識龍川處士家白沙翠竹帶烟霞水邊門巷千章樹  
雨後園籬百本花對客看雲晨倚杖呼兒掃葉夜燒茶  
玉堂金馬成何事輸與山中老歲華

牛君士良使還日南晝行左江之澹偶於清灘得  
一小石頂跡五寸許其色深綠娟秀潤麗宛若  
峰巒之聳立熙陽王君見而愛之牛君不靳因  
持贈焉王君賦詩以謝君復答之併次其韻用  
助二君清話二首

錦石青紅似畫中每因幽玩一開篷  
三生依舊精魂在  
二妙于今嗜好同玉杖未裁秋帶雨  
畫船暫住夜騰虹  
向來艮嶽成田久莫更蒐奇入汴宮

其二

江干奇石潤如玉卓立天然一碧峰  
幽竇直疑清澗落  
秀巒先見翠雲重女媧自煉功猶淺  
朱老相看興頗濃  
再拜不妨呼小丈日長几案得從容

答安南使黎元譜二首



十月南寧江水平  
官船渾似釣船輕  
滿篷霜露天如洗  
一笛關山月正明  
修貢遠來勞使節  
觀光歸去擅詩名  
宮袍驛馬華林路  
未羨當年畫錦榮

其二

傳宣賜罷碧淋腴  
萬里驅車指故途  
遼海東來鶴自語  
楚天南去鴈相呼  
清吟時與梅花對  
老態猶嗔竹杖扶  
來奉龍墀親策士  
攜書還解一行無

清江小隱圖為趙希貢題

愛汝清江小隱居，波光雲影滿庭除。  
風帘野店客呼酒，雨櫂輕舟人打魚。  
無數青山秋樹外，一行白鴈暮霞初。  
看圖便擬投簪去，借取閒窻讀舊書。

曲江逢至日

去歲茲辰鍾阜北，今年此日曲江東。  
驚心節物如飛箭，回首生涯尚轉蓬。  
韶石雪消知地暖，越臺雲淨兆年豐。  
故人迢遞未歸去，孤負梅花酒一筩。

用韻贈濮彥章

曾題詩句碧琅玕留與仙翁伴歲寒君有蓬萊三禮賦  
我無龍虎九還丹可憐韶石山前景渾似錢塘江上看  
驛路梅花應笑客酒腸暫為主人寬

贛州嘉濟廟用王編修韻

水落雙江見底清官船東下石灘平五龍山遠環遺廟

千雉雲高接石城人去睢陽空有像

元守臣金子仁海  
青臣皆死節廟有

像將歸嶺表尚留名

漢灌嬰伐佗神示以  
克捷之兆舊碑有紀

沙頭候吏休

相促吟傍梅花句未成

次滕仲弘叅政見贈韻

孺子湖前秋水多，滕王閣下夜聞歌。  
十行手詔天南去，萬里仙槎海上過。  
桂嶺畏途連楚越，薇垣佳句似陰何。  
歸朝有日陪冠蓋，兩袖香風響佩珂。

題鄭生雲谷卷

谷口子真多白雲，半開竹屋共雲分。  
青山當戶雨初霽，綠樹覆簷風欲薰。  
偶向鄰翁劇藥本，時邀詩客籠鵝羣。  
梨花夢裏偏多趣，蒼狗白衣任糾紛。

林登州集卷五

欽定四庫全書

林登州集卷六

明 林弼 撰

七言律

贈謝元初秋山高隱圖

漫遊晚歲厭紅塵歸去秋山看白雲  
煮石呼童供鶴料寫經留客換鵝羣  
鏡收林藥西風老火養爐丹靜夜分  
二十四橋多月色玉簫還許世人聞

題嚴州陳氏會慶堂

堂名會慶意何如四世公孫此共居  
松桂蒼顏凌雪霰芝蘭玉樹秀堦除  
彩衣稱壽盈尊酒綰帙懸籤滿架書  
千載君家遺澤在一江春水遶桐廬

贈公恒歸天台

紫微省外姓名香白鷺洲前別意長  
祖餞謾勞冠蓋集賦歸莫待菊松荒  
攜尊與客行花逕采藥逢仙坐石床  
軒冕浮榮成底事從君分種水雲莊

梅溪詩為蔡宗玄賦

溪上寒梅雪作花  
溪前流水玉無瑕  
意行東郭先生履  
來訪西湖處士家  
煖入孤根春映帶  
清涵瘦影月橫斜  
何時攜取芝山酒  
共載賓朋泛釣槎

陳子高之永新丞

浙右才名陳子高  
幾年給事滯銓曹  
五花誥上墨猶濕  
百尺樓頭詩更豪  
縣郭春晴山入座  
江湍夜漲水盈篙  
知君自有剗繁術  
訟牒何愁事若毛



安溪劉令復任

楊柳條青漸長芽刺桐葉綠已先花  
河橋送客春將半  
山縣休衙日未斜  
政蹟行書循吏傳  
歡聲重動野人家  
多情石筍江頭月  
載酒何時共釣槎

送聶克敬歸省

待宦三年客帝鄉  
違顏千里念親堂  
朱樓翠閣天光近  
碧嶂清光野望長  
汀館春深官柳暗  
橋門雨過穉芹香  
懸知調膳多餘暇  
松下看書坐石牀

題方壺王維詩意圖

能詩羽客方壺子解寫高人王右丞  
幽興不隨流水盡閒心長伴白雲層  
空林積雨迷苔逕細浪生風失石稜  
坐對畫圖懷別業南山千仞碧峻嶒

題鄧氏澗亭

澗濱亭子有餘清  
晝日泉流遶舍鳴  
雨檻維舟投釣餌  
風窻拂几汎琴聲  
沙頭白鳥尋常見  
石角蒼苔取次生  
最憶考槃真樂趣  
浩歌一曲濯塵纓

李教授之臨江

鄰邑豐城曾製錦清江碧嶂慣維舟送君千里敬文教  
老我三年憶舊遊酒釀黃精雲外洞詩題清竹水邊樓  
前修范杜遺風在從此西邦化魯鄒

胡氏讀書樓

胡氏書樓建水濱讀書樓上念先人牙籤萬卷痕誰觸  
手澤百年跡尚新風前闌檻芸香滿雨後庭階草帶勻  
三復蓼莪應灑淚孤雲漠漠水粼粼

橋市樓

八年兩度使炎方萬里關河兩鬢霜  
遠賜璽書隨趙尉重題詩句笑劉郎  
伏波臺上風烟古如月江前草樹荒  
屈指西風明日到官船歸去又新涼

次張敬修雪中趨朝

春雪漫空竹樹低紫駟愁濕錦幃泥  
光騰玉殿迷銀燭凍合金橋失絳霓  
已擬典衣沽臘酒何如擁被聽晨雞  
東風先到溝前柳無數寒條拂水齊

權氏寓思樓

先壠星源已草萊高樓極目楚天開無窮山色連雲起  
不盡江聲送月來遺愛百年存舊樹豐碑十丈滿荒苔  
聞孫還肯興堂構落日登臨不用哀

送侯同知之漳州有引

洪武十一年春有旨凡在有司率舉賢良一人予友  
日新氏丞廊之鹿川知侯君其之賢貢于天官遂擢  
漳郡同守夫國家任官惟賢是用有司承命惟賢是

舉蔣君之舉有得人之名同守之任有稱職之賢吾  
邦得守為疲民之幸弼也有三喜焉故為序而詩之  
郡丞新命下金鑾雨化隨車衆所歡邊戶近開鹽課少  
上胥應放役程寬雲生柳渚風聲動霜入梅花月色寒  
十載未歸頭已白為君中夜一彈冠

送鄭景賢邑教歸金華葬母

故人別我金華去歲晏天寒江水冰二弟已膺烏府薦  
一官喜自鱸堂升洞門繫馬花如海山館開尊酒若澠

自愧麥舟無遠惠佳城為想碧峻嶒

倚李伯康使君韻

鐵甕城南飛羽檄錢塘江上趣琴裝梅花有句留山驛  
蕙竒無珠出海鄉飯白鄰僧供火米蠟肥溪友薦霜房  
歸來細說閭閻事月滿薇垣夜正長

海上

水天空濶浩無津物外神遊夢裏身晚望每嫌山色遠  
夜聽已厭浪聲頻仙槎路熟星河使戎馬憂深嶺海臣

思獻江都二三策漢庭垂意驗天人

呈克明縣尉

長帆破浪出南溟天際成山一髮青上國重來觀壯麗  
東州近喜洗羶腥儒冠未際風雲會神劍常衝牛斗星  
尊酒宜春樓上月也勝細雨夜然燈

次韻王克明三首

經國于今賴海漕况供玉食敢辭勞九重天闕連三島  
萬斛風舟等一毫楚客多愁飛石燕秦皇無計叱金鰲



何如太白清狂態醉臥江中宮錦袍

其二

江嶺孤臣抱寸忠風雷何日起潛蹤海連遼碣八千里  
山隔燕雲百萬重近喜金灘湧鸛鶴舊聞綠水泛芙蓉  
自慚點額桃花浪每羨神魚作應龍

其三

共泛滄溟不共船風檣浪楫若追攀蓬牕相憶又今雨  
柁屋同看非故山身世已如遊物外氛塵只合出人間

維梢活水知何日買酒燒魚一破顏

予遊武夷道經三山買舟西禪浦值晚雨投宿山  
寺中寺僧杞巖義剛曲相款接因書此詩以證  
後會

江雨蕭疎山日陰寒驢有客入禪林老僧能叙三生話  
遊子空悲千里心野鳥啼來山竹裂洞龍飛去水雲深  
多情九曲溪頭月何夜相從抱玉琴

贈杜明之入京

阿父清名聖主聞佳兒氣岸復超羣玉堂久索歸山豪  
畫省重稽涉海文馬飲盧溝秋水滿帆開碣石暮雲分  
故人天上能青眼謾說邊籌可策勲

次達子升清明感懷韻

暫停不停風撼樹欲收未收雨閣花一百五日寒食節  
二千餘里遊子家朱雀橋邊少語燕黃鶴樓下多鳴鴉  
人生有酒莫滴土無錢且向西鄰賒

次馬編修奉別韻

送客東城春又半  
暖雲收雨散輕陰  
一江流水傷南浦  
千樹啼鶯憶上林  
錦里烟塵詩句好  
鑑湖風月酒盃深  
玉堂歸去多清興  
好對鰲峰整舊琴

題方漳浦自述詩後

弓劍間關虎穴危  
雲霄浩蕩鶚書飛  
禁門幾聽晨鐘入  
鄉邑爭看畫錦歸  
春草青邊鹿茸長  
秋橙黃後蟹螯肥  
男兒老大功須立  
晚歲漁樵願未違

畚越僧津斷橋

禮遍名山未肯迴乘蘆又度柳江來烟霞直欲窮幽趣  
梁棟從教棄散材詩骨寒林千歲鶴道心流水一枝梅  
憑師問訊維摩病飛錫行應上五臺

奉次徐梅所知司謁龍江精舍之作

臨漳自昔號淳龐天遣明公莅此邦幸有清尊開北海  
豈無涸轍待西江紅依幙府才應屈白戰詩壇氣未降  
珍重龍門振遺響洪鐘從此莫微撞

用韻述懷

有客丹心一寸孤都忘身世在江湖十年澤國多戎壘  
萬里雲霄渺壯圖夜雪蕭齋紅楮杌秋風楚畹綠靡蕪  
杜陵老大長憂國謾歎乾坤一腐儒

次林茶溪經歷韻

員嶠層層聳翠峰碧雲片片擁丹宮客來欲問飛騰術  
仙去應參造化功天上風雷雙劍底人間日月一壺中  
共看靈雨農郊足已卜今年歲事豐

再次林茶溪經歷韻奉姚省吾博士

笑解腰間老太阿半生事業總虛過歸來元亮存三迳  
安樂堯夫有一窩濁酒盈缸春可漉清詩滿袖夜猶哦  
東風似勸山翁醉吹落花前白鷺簑

贈新溪金如山

劍江西畔老者英眉壽將逢八秩齡車裏蒲輪當有召  
琴彈花縣每能聽志崇天爵頭如雪世問滄田眼似星  
毫末不藏心地直時煩矍鑠到公庭

題江山萬里圖

我愛錢塘輒醉翁江山萬里在胸中應憐遠道頭先白  
却寫新圖思不窮鸚鵡洲前春草暗鳳凰臺上暮雲空  
登樓莫遣悲王粲天外鄉關咫尺同

題張櫟里為曹景溫畫雲山圖

十年蹤跡在塵埃每見雲山笑口開萬壑晴陰連竹樹  
一天秋色入樓臺畫圖此日勤持贈茅屋何時隱去來  
惆悵無因尋舊侶桃花流水似天台

送酒一壺與張櫟里



臘醅新熟泛霞紅，持慰山中輒醉翁。  
須信微醺真樂在，也知少飲衆歡同。  
梅花紙帳春生夢，楮齋爐雪滿蓬。  
無限衡門攜幼意，菊松三迳老秋風。

金陵贈友人

玉帛徵賢出草萊，孝廉船向北風開。  
縱然車馬爭馳逐，何似田園歸去來。  
菽水堂前衣戲綵，雞豚社裏酒盈杯。  
白頭誰念思鄉客，強寫新詩對鳳臺。

鐵柱

仙翁騎鶴上天去一柱千年屹未傾鐵色不隨闕

大江平蜃樓縹緲烟沈浦龍劍淒涼月滿城  
九鼎鑄金魑魅遁後來誰繼禹功成

贛州

贛州驛下艤輕舸芳杜幽蘭滿近臯水合雙溪飛駕濶  
城依列嶂畫樓高百年中土歸圖籍萬里南天振羽毛  
吟眺未闌還解纜涼風細浪晚颼颼

南安道原書院

道原洙泗接濂溪一脈曾分橫浦西  
俎豆百年存舊典圖書數卷破羣迷  
池蓮晚色紅衣淨庭草春香翠帶齊  
我亦沿流伊洛者幾回極目楚天低

庾嶺

石稜左右山將合澗響東西水自分  
通道人思唐宰相提兵誰識漢將軍  
滿林梅熟黃垂雨夾道松高翠拂雲  
嶺徼祇今畿甸似遠人敢憚往來勤

清遠峽飛來寺

清遠峽前暫維楫飛來寺裏已張燈兩崖雲起晴如雨  
一水風生夏欲冰文犀鼎鬲失金鎖鐵鳳翱翔低玉繩  
帝子軒轅不可問聊題詩句記吾曾

贈通事官阮勲

落魄安南老象胥曾隨京使覲皇居青衫小職羣公後  
白髮高堂九秩餘甘旨每愁官俸薄奔趨漸覺世情疎  
興賢有詔來南服燈火新涼課子書

次蕭文煥教授韻

聖主龍興大有為乾坤此日摠清夷南郊多士聽新詔  
東魯諸生習舊儀海角亭前休對酒岳陽樓上好題詩  
西風一葉梧江櫂千里懷人入夢思

答莫季龍

羨子乘槎南海上遠從牛女問天津殊方入貢梯航舊  
上國歸來冠蓋新雒粵文風興此日雞林詩價重行人  
懸知江路頻維楫處處疎梅破小春

鄭節婦

仙舟不返淚河枯誓死持家為報夫牀下問姑晨饌具  
機傍課子夜燈孤門依慈竹金書揭庭列崇蘭綵服超  
太史行編貞節傳清風千載滿三衢

廣州江亭次熙陽太史韻

不斫蟠桃駕大杠謾移蘭櫂泛蒼江山光入野連桑海  
水影浮雲上竹窻幻枕何人尋舊夢洞簫有客換新腔  
蒼茫詠罷成長嘯天外飛來白鳥雙

謁張文獻公祠

開元賢士張文獻落落長才際盛時  
滄海明珠知價重  
秋風白羽嘆恩衰  
兇徒已破生前膽  
烏道何勞死後思  
半畝鄉祠金像在  
薦芳請誦八哀詩

謁余襄公祠

慶歷名臣余諫議  
堂堂正論出清班  
一封霜簡晨趨闕  
萬點風旗夜度關  
遺廟丹青近韶石  
故家文獻盛閩山  
錦袍紫橐光相射  
猶似當年上國還

和韓南勝四首之二

高堂晝日坐鳴琴滿地棠梨散綠陰白雪陽春空下指  
青天明月是知心陶公避俗從沈醉杜老憂時更苦吟  
無限扁舟江上意洞簫嫋嫋有餘音

其二

落地男兒總弟兄一時傾蓋若平生宦游老去應無意  
訪舊重來更有情野寺攜琴惟伴鶴溪堂九藥忽聞罵  
樂栽松桂林中讀安得從公一結盟

南雄太守葉景龍政成入覲



相逢江上繫蘭橈。歲晏天寒雪正飄。駐目帝鄉紅日近。  
關心親舍白雲遙。梅花嶺外詩千首。竹葉山中酒一瓢。  
握手都門應有約。清溪水滿綠楊橋。

雲石軒為葉彥實賦

山骨峻嶒聳碧岑。靜看古色氣蕭森。竹邊雨過含微潤。  
花底烟浮散細陰。畫枕可人開醉眼。晴軒留客伴清吟。  
襄陽米老真癡絕。一日書船駐水潯。

菊圃

西風搖落送秋光  
野菊猶存老圃香  
瘦藥清分蘭  
寒枝低護槿籬霜  
忘憂且汎杯中物  
益壽應傳肘  
三徑歸來定何日  
芳鄰準擬卜柴桑

洪武十年再奉使安南還道經豐城留館驛  
乞留題急筆賦此

酡顏綠鬢映烏紗  
奉使安南去路賒  
金闕九天承  
銀河八月泛仙槎  
行裝祗有梅花擔  
載道寧無蕪  
揮翰玉堂知有待  
五雲深處聽宣麻

辛亥正旦呈牛典簿王編修

洪武四年是  
年春除豐城

客中兩度逢正旦江上相看感歲華  
仙杖遙瞻丹官船進泊白鷗沙  
雪消星石添春水日射香爐散  
却憶故園兄弟樂屠蘇酒對小梅花



林登州集卷六

# 欽定四庫全書

集部

林登州集卷十一

七至

詳校官鴻臚寺少卿臣梁景陽

中書臣劉源溥覆勘

總校官庶吉士臣何思鈞

校對官中書臣吳俊

謄錄監生臣羅翹遠

欽定四庫全書

林登州集卷七

明 林弼 撰

五言排律

贈別甯義甫率掾二十韻

甯子真人傑英年拔郡曹簿書閒吏事弓劍策戎勞  
佛塔題雲鴈神山看海濤短衣寧扣角巨釣擬連鰲  
阮掾稱三語潘郎嘆二毛微邊騰鶚剡柳外試龍韜  
單騎晨

傳檄重關夜屬橐陣雲橫雜遝郊壘破周遭風驤難垂  
樅秋鷹待解條分藩嚴節鉞弭筆逐旌旄西崦烟收瘴  
南溪雨漲膏芝蘭從草伍稂莠為苗薺緩帶羊公適胡  
牀庾亮豪劇談方洒洒別意苦恹恹烽火悲橫玉簫燈  
夢大刀霜橙分紺實江蟹斫紅螯把酒歌三疊維舟水  
半篙宦情磨鐵硯交誼戀綈袍青眼羣公在丹心寸地  
操為君懷遠舉天表粵山高

贈王同野閩史歸建三十韻

聖理濟夷夏邊陲重鎮綏藩臣分節出佐辟文惟君  
拔千人傑民瞻一郡師汾河遺澤在滕閣逸才推子佩  
鏘經席玉章肅奠儀堂鱣嘉瑞兆閭鸛薦書馳簡量稱  
三語清名慕四知濟時行賈策論事邁蕭規烽燧猶南  
國風雲渺北墀登樓梁空賦入幕超能詩退食欣多暇  
忘機慰所思涼薰榕下榻長日竹間棋細藻流清泮香  
葉泛綠池應勞書牘尾未許撤臯比江左陳琳檄淮西  
韓愈碑文章長叙論贊畫足匡裨已喜才堪試何慚位

尚卑驂騑霄漢步松柏棟樑姿天地心如鐵風塵鬢未  
絲彈冠差可慶結襪詎云癡雲樹連同野家山近武夷  
蕉書頻日報蘭權及秋移椿綠霜中幹槐青雨後枝韋  
編課兒誦綵袖奉親嬉至樂皆人願微名祇自縻朋簪  
資麗澤客袂忍分歧荔熟丹砂顆醪香碧玉卮離憂從  
馬上言贈且江湄瑞世鳳麟覩清班鵷鷺期行哉須努  
力千古志皐夔

江洞書事五十韻



西徼百蠻底南荒三楚邊苗頑風未殄盤瓠種猶傳江  
自牂柯發山從越雋連封疆秦日畫威德漢朝宣馬援  
軍曾駐狄青師載旋羈縻諸洞在棄置左官遷夷獠分  
生熟懷柔異後先烏言難白別椎髻費紅纏篁桂深林  
薄茅茨小棟椽巢居牛畜共鄰處虎狼聯獵野撚花箭  
涉川剗木船蝮蛇勤執贄雞骨慣占年畬種原頭火村  
炊樹杪烟兵塵竹子後瘴雨桂花前徑路微微入藤蘿  
密密延小橋過畧約輕篙送鞦韆象郡通蕃甸珠崖到

海壖驛牛無脫轡洞馬不加鞭飲澗猿懸臂吹潭蛟長  
涎危峰常欲墮怪石久皆穿忍聽歸歸鳥愁看跼跼  
沙薑長豎指泥蕨細鉤拳寘毒讎家快挑生左道便行  
厨避民舍停筓問賓筵近臘縫山罽迎秋拾木綿夔  
為伴侶麋鹿當牲牯蠻鬼歌堂賽狡童舞袖翩溪翁醉  
皆倒野婦喜如顛負弩常從犬扳罾或得鰯孰云殊土  
俗自是一山川白髮知何叟青衣立竦肩送瓜強留客  
供酒不論錢請說兩江事含悽雙淚連前朝失政體舊

長竊兵權角面挑弧勁魚鱗竹甲堅音奪攘時彼此剽

掠轉寅緣聖主開弘業遐方圉化甄居然列郡縣忍爾

黷戈鋌豈料潢池地從觀埽井天羣兇多不逞同惡復

相牽春廢桑麻墮秋荒蔗芋田官軍掃氛翳鼠輩委腥

膾汚染猶蒙宥強梁詎足憐智高今顯戮孟獲已深跽

殘命嗟如綫新官幸似弦愛民有元結奉使遇張騫苦

語怕終聽同仁賴曲全乾坤新再造日月大無偏嶺徼

雖稱遠巖廊正任賢觀風小臣在歸擬奏詩篇

贈塔斯圖判府二十韻

賢倅北方傑，篤生勲德門。世皇良將裔，林國上公孫。淮  
海新開府，開山舊鎮藩。曩勲揚日出，劍氣射星垣。喬木  
蒼烟古，甘棠綠蔭蕃。東南集冠蓋，甲乙擁旗旛。帝軫邊  
方苦，公承天語溫。貳車方筮仕，別駕重疏恩。虞坂馳良  
驥，滄溟起大鯤。松邊臥歸轍，柳外迂征轅。良策裨軍旅，  
長材任劇繁。列槐家澤遠，細柳祖風存。春雨桑麻隴，秋  
風禾黍原。鯉應識韓愈，虎亦避劉琨。東郭看山榻，南樓

對月樽調羹需鼎鼐紉佩集蘭蓀昭代多麟鳳清班造  
鷺鵷安車行趣召萬里覲天閭

縣尹相公平寇策勲賦詩為頌

國步艱難際邊陲俊傑生將門餘舊澤相閥藹新聲騏  
驎駑駘屈鷗鵬羽翼成將軍年尚少令尹職先榮溪北  
甘棠樹江東細柳營循行及野邑團練合農兵南徼驚  
塵起西林殺氣橫霜袍當自表雲陣每孤征士畏條侯  
令民知司馬名指揮秋色動談笑瘴氛清落日喧笳鼓

西風捲旆旌歸舟無恙以吟擔有黃精保障安黎庶勲  
庸答聖明願言崇令德佳識叶承平

別胡景昭

景昭文學疇昔相好非淺近交寇盜流離偶會漳水  
之上歡洽未久歸思浩然不可援止漫成十六韻寓  
惜別意

昔予方弱冠與子每同襟躍馬春風早聞雞夜漏深青  
雲懷遠志白雪操淳音霄漢何寥邈江湖易陸沉卞生

勞獻玉直子誤持金典教才終屈為郎力不任艱難愁  
白髮慷慨見丹心落景山陽笛寒宵楚戶砧杜陵憐久  
客梁父動悲吟日月鴻遵渚風塵鶴在林策言疎董賈  
詩價重何陰小子多茅昨先生寡芥鍼麒麟圖自古鸚  
鵡賦還今且對盈樽酒休鳴別調琴枕榔晨霧塞薜荔  
曉霜侵畏道那分袂離情倍不禁

五言絕句

題松菜

野老藜藿腸飽知晚松味惟應肉食人少玩圖畫意

題樹萱堂

叢萱樹北堂宜男吐幽芳春暉盎如酒庶俾百憂忘

題白雲堆

空山白雲堆中有隱者居悠然兩無心塵世將焉如

七言絕句

汶江八景

蕉寺晨鐘



招提隱隱傍林巒  
月落鐘鳴漏未殘  
一夜芭蕉風不靜  
秋聲相和下雲端

呂橋夜月

長橋十丈俯江流  
月色遙連水色秋  
雲外何人吹鐵笛  
渾如黃鶴斷磯頭

黃村晚照

黃家村外夕陽明  
雞犬遲歸愛晚晴  
花落閒庭茅屋靜  
小溪風起看潮生

阮浦春潮

別浦春潮帶雨來  
帆歸天際晚風開  
江干竹樹深如許  
二阮清遊應未回

球浦烟帆

珠渚烟晴晚照紅  
布帆八尺飽西風  
今宵繫纜知何處  
兩岸蘆花月色同

浪灣雪網

浪花飛雪滿前灣  
舉網輕舟夜不還  
無限黃州蘇子興

洞簫聲在水雲間

棠堤春雨

雨過春堤塵未乾  
海棠千樹畫中看  
波江江上東風軟  
輕撲羅衣散曉寒

橘塢秋霜

水邊林外野人家  
橘柚秋紅照晚霞  
何日寄來三百顆  
先春報汝玉川茶

河船口占八首

沽河水接潞河渾處處新營失舊村  
聞說東西兩漁甸年來也隸達家屯

其二

七月既望月更圓蘆花吹雪秋滿船  
無人共過黃泥坂此客元非赤壁仙

其三

昨夜江頭秋雨急曉看新水已平堤  
堤邊紅蓼開無數樹樹相依穗穗齊

其四

原田黍稌秋垂熟  
婦子巡防闌達宵  
但得西成來鼠雀  
也勝螟螣盡青苗

其五

憶昔扁舟過潞河  
垂楊兩岸綠陰多  
而今野飯維梢處  
爛熳牽牛引碧蘿

其六

點點蘆蓬疎雨聲  
酒魂詩夢有餘清  
覺來却笑玄真子

猶向江湖著姓名

其七

連朝雨急臥不起清曉蓬窗試一開水面雙雙輕燕去  
沙頭箇箇白鷗來

其八

河中風物無多子鯉鱸蒲羹頓頓供何似尊鱸鄉味好  
扁舟歸去及秋風

題寒花鵲鷄圖

落日秋林竹樹稀  
枝頭寒雀靜相依  
爭如草畔鷓鴣樂  
自啄霜蟲不肯飛

題江山臥遊圖

投老歸來已倦遊  
崎嶇窈窕舊林丘  
畫圖多謝滄浪客  
臥看瀟湘一幅秋

題子昂人馬圖

南風古柳生夏涼  
神駿萬里思騰驤  
圉人空爾奉芻秣  
曷不為解青絲韁

題雜畫九首

猫

內相家中蒙貴兒華堂客至每先知  
今朝洗面還過耳  
故寫新圖開閣詩

犬

乳犬垂頭傍竹門  
低回似戀主人公  
恩中宵莫學雞鳴吠  
風滿山花月滿村

馬



玉策金鞍絲轡輕長秋陰裏一長鳴爭如此馬無拘束  
細草香沙自在行

鼠

熟睡狸奴脚未伸燈前黠鼠竊蓮頻兒曹恐有張廷尉  
莫太狼貪不畏人

龍

長樂陳翁畫龍手今君法得古人多嶄嶄頭角欲飛去  
風雨三江秋水波

鴛鴦

白石青蒲春水生夕陽錦羽照沙明  
戲拈畫筆知何處  
柳外池塘艇子輕

鸚鵡

隴頭春樹拂雲紅學語聲嬌弄晚風  
上國祇今辭遠貢  
莫愁彩羽閉雕籠

雙雀

珥江驛裏可張羅得食階除任意過  
應是厦成相賀競

銜環底用感恩多

喚起

林間百舌謾多言此鳥嬌音不浪傳喚起一聲窗外白  
東風庭院落花天

珥江驛口占八首

士女填街撥不開共看天使日邊來白羅衫稱烏紗帽

坐聽齊聲說冷腮

冷腮方言  
甚美也

其二

清江十里畫船過落日涼風水不波花袴水軍齊舉棹  
歌聲唱作馬前呵

其三

小卒橫挑丈二叉褒衣長帽似臞儒當街一喝人爭避  
如此威凜更有無

其四

蠻官短髮皂衣踈江驛時來學步趨歸去休騎割髻馬  
底鴉穩臥勝籃輿

底鴉繩結  
肩輿也

其五

八月傘圓山下路顛風捲地雨冥冥勸君莫汲珥江水

鬪死魚龍氣正腥

俗傳古有熊王女子江山二神爭娶為山神所先至今猶鬪云

其六

機家舟上女如雲日日機中織縷勤忽見江頭秋月色

唱歌聲到夜深聞

南人謂綃為縷

其七

齒牙如漆足如霜紅縷衣裙紫袴襠見客不羞嬌作笑

誰家昆艾賣檳榔

昆艾女子也

其八

鸚鵡窻前返照明檳榔樹下晚涼生  
女郎浴罷清江去  
不斷秋砧搗素聲

龍州十首

龍州長夏多風雨山路無時一尺泥  
今日開門喜新霽  
洞雲片片度前溪

其二

山蕉木柰野葡萄佛指香圓人面桃更有波羅甜似蜜  
冰盤初薦尺餘高

其三

草閣柴扉傍竹開洞官留客意徘徊盤遮蕉葉攜觥至  
甕貯筠籠送酒來

其四

峒丁峒婦皆高髻白紵裁衫青布裙客至柴門共深揖  
一時男女竟難分

其五

千山萬山皆戴石十日日常出雲木鼠夜啼人不見  
峽猿暮嘯客偏聞

其六

近水刺桐知驛舍倚山毛竹即人家  
趣墟野婦酤甜酒  
候館溪童進辣茶

其七

架巖鑿壁作巢居隱約晴雲碧樹疎  
水視枝枝橫檻似



禾園箇箇小亭如

其八

白沙青石小溪清  
魚入疎罾艇子輕  
謾說南荒風景異  
此時真似剡中行

其九

林塘幽窈隔桑村  
風磴崎嶇接石門  
雨過茅茨忘赤日  
雲深篁桂易黃昏

其十

龍州溪洞極南邊雞犬桑麻自一天流水桃花今有路  
何須更覓武陵仙

韶石

一曲南薰石欲開餘音猶繞九成臺青山空灑懷人淚  
雲暗蒼梧鳳不來

荻港舟中

風日清酣麥正秋無邊蘭杜滿芳洲船窗夢覺多幽思  
處處飛來雙白鷗

題壽萱圖

東風煖入北堂深  
吹綻萱花兩朵金  
應憶綵衣稱壽酒  
春暉寸草此時心

海山秋思圖為樂清鄔知縣賦

寫得新圖記舊遊  
無窮詩思海天秋  
白雲黃葉渾相似  
雁蕩山前思遠樓

題鳳山圖

青沙白石草離離  
萬仞蒼崖瞰碧漪  
鳳鳥祇今鳴嶰谷

朝陽未老碧梧枝

題朱孟辨臨文與可墨竹

胸中千畝老陵州用寫西風一樹秋  
咄咄逼人青瑣客  
時來泚筆鳳池頭

題王章紅梅

妖嬈暫借杏桃色鐵石終存冰雪心  
額粉風飄粧鏡盡  
臉霞春酒入杯深

題危中書所藏和靖墨蹟有引

和靖先生趣居湖山間意其與方外之遊從為多今  
觀中書危公所藏手墨謝簡一贈詩一皆與方外者  
筆力語意清峭雅澹猶可想其為人披玩之餘敬成

三絕

舊書迢遞謝相過何日重來共晤歌籠鶴不飛茅屋靜  
西湖十里月明多

其二

湖上題詩衲袂分梅花千樹雪紛紛明朝飛錫知何處

鴈蕩山中一片雲

其三

翡翠湖邊迹已荒  
鳳凰池上墨猶香  
爐熏清晝開詩卷  
宛見孤山舊草堂

題竹間清逸圖

流水柴門萬竹秋  
玉人還侶晉風流  
瑤琴一曲瀟湘雨  
隔浦漁翁正倚舟

題梅雀圖

一樹寒梅花的的兩三凍雀羽離離上林鳩鵲春如海  
誰為東風借一枝

師夔令尹作樹石圖以寄其友黃君復紀別時之  
景也閨而有賦二絕

楊柳江頭送客歸暮潮初落見漁磯畫圖無限懷人意  
雲樹依依又夕暉

其二

畫圖詩句兩清新遠向郵筒寄故人惆悵宿雲雙墨檜

碧紗零落滿埃塵

題山窻秋色圖

青山點點雨初過黃葉瀟瀟霜已多惆悵美人秋水外  
晴牕掩卷奈愁何

書羅彥周畫扇

流水高山獨抱琴  
擘舟有客識彈心  
小樓一曲倚蘭操  
黃葉西風秋滿林

馮性之以顧定之墨竹寄其友方時舉題曰清風



來故人索賦一絕

故人別去每相思  
修竹清風若見之  
鳳鳥不來春又暮  
湘雲吹斷玉參差

為袁能伯憲使題墨竹

亭亭玉節拂雲霄  
坐覺清風瘴霧消  
擬奏鈞天簫十二  
虞廷此日聽鳴韶

題方壺子墨竹

方壺仙子御風還  
雲外珊珊響佩環  
吹徹鳳笙山月冷

參差玉管落人間

夜夢亡友林伯永有風憲之除覺而賦此

青袍白面舊參軍風憲新除死後聞清夢覺來清淚集

屋梁落月白紛紛

題熊自成雙鶴圖

海上歸來歲月遲懶隨青鳥度瑤池一雙清淚秋霄月

莫遣雲中仙子知

題柯敬仲墨竹

宣文博士老丹丘戲寫瀟湘一段秋留向竹山隱居處  
虹光夜與劍光浮

杏林圖為豐城楊從善題

昔年曾說董仙翁種杏成林爛熳紅多少活人陰德在  
枝枝葉葉總春風

題黃尚英墨竹

竹山萬箇碧琅玕喜向仙家畫裏看  
午夜鳳臺吹玉管不知風露逼人寒

為張叔同題江城送別圖

雙劍江頭春水生  
浦雲村樹總關情  
觀圖忽憶曾遊處  
倚棹漁村聽笛聲

題熊自成紅梅

飄殘額粉見朱唇  
杏艷桃嬌謾妬人  
解得花神留戀意  
枝南枝北一般春

藤州

江月樓前江水深  
玉人曾醉古藤陰  
雪堂歸去無消息

半畝荒亭千載心

題黎省之唐馬

嗅地低回欲袞塵玄雲散彩五花新  
蹴冰不識交河道  
芻豆相從愧圉人

題聽雨軒圖

山牕酒醒夢魂清  
竹外松邊點點鳴  
蒲澗寺前千尺瀑  
都隨黃葉作秋聲

操

石泉操

白石鑿鑿兮清泉泠泠可洗吾耳兮可濯吾纓援吾琴  
兮發希聲玉琳琅兮金琮琤泉有魚兮龍出聽嗟若人  
兮耳厭秦箏石泉曲兮邈千古情

辭

望雲亭辭

青山兮白雲悵予望兮遠人望遠人兮不可見目渺渺  
兮海垠鄙之山兮泉之水雲孤飛兮心千里臨華亭兮

奈何望有極兮思無已雲之歸兮芒碭蹇遊子兮悲故鄉雲之出兮太行渺親舍兮天一方松楸撼兮霜露下宛在目兮愁予雲兮雲兮其作霖雨望復望兮毋使我心苦

風樹亭辭

嫋嫋兮秋風樹撼撼兮聲未終風之聲兮在耳子之思兮曷窮松楸淒兮霜露下親不見兮愁予三釜貴兮誰為榮抱茲痛兮終古彭之坡兮何長彭之亭兮樹荒荒

播茲風兮千載庶錫類兮不忘

梁谿辭

有序

昔者君子道與時違則退而隱處以自潔不以寵榮利  
祿羈膠其心故進退之際綽乎裕如夫豈汲汲營營以  
圖遇合若鄙夫曲士之為哉毗陵鄒天民氏少知覺長  
推擇為吏既升銓曹不屑升斗曰是豈足行吾志耶遂  
引去即所居自號曰梁谿生人咸高之子聞梁谿南直  
五湖退隱之士多居焉天民殆將為扁舟之游與烟霞



釣徒江湖散人而為侶耶為作梁谿辭一章天民釣遊  
之暇鼓枻而歌之庶幾浦雲汀月之濱或有賞音者也  
辭曰

梁谿之水兮其流溶溶淺有蒲荷兮深有魚龍泛予舟  
兮溪之風侶雲月兮甘長終鴟夷遊兮猶遺踪玄真蛻  
兮或可逢微斯人兮吾將曷從

詩餘

萬年歡贈別陳都事

問訊東君又何事一歲一番歸去杜宇聲中撩亂落花  
飛絮漫向江頭凝竚想無計可能留住江亭上況有離  
人不禁千種愁緒還思澤國風塵更誰能草檄名重  
藩府舊業都荒茅屋稻田瓜圃說與風流謝傅且休把  
雲山自許應回首人在丹霞滿庭榕葉鶯語

木蘭花慢送孔子遠少府歸東甌

羨千年泗水流聖澤尚淙淙遠西引河源東連岱岳南  
下甌江如君一門簪紱更風流文彩世無雙柳外藏書

樓閣竹間放鶴軒  
窻弓刀暫爾擁旌幢  
清譽藹南邦  
喜烟淨妖狼  
灘飛瑞鵝月靜驚  
虎歸去吳鉤錦帶想  
高堂春酒正盈缸  
菽水清歡未極風雲壯志休降

木蘭花為允元學錄壽時戊戌中秋南城溪樓即席分得微字

秋江水上花外岸  
柳邊磯喜滿眼睛  
光溪雲搖曳山日  
熹微無限庾樓清  
興一瓢春酒今夜莫  
相違幸對月明風  
細况逢蓴美鱸肥  
寸心此際念庭幃  
稱壽舞斑衣

笑薄宦孤蹤塞鴻海燕北去南歸萬頃澄江如練詠新  
詩却憶謝玄暉但願諸公長健共看千里清輝

林登州集卷七

欽定四庫全書

林登州集卷八

明 林弼 撰

送序

送邵武司李馮公之官序

南勝巖邑也朝廷選吏吏之務戢民也至正十三年春  
省臺大臣承命銓選福建常調官若曰南勝控諸畚民  
善驚喜闕弗靖選令惟賢興化架閣馮某勤慎練事嘗

從平李冠有勞其進之秩使尹是邑公至則完堡以固  
民興學以導俗去苛弊簡牒訟強抑而弱扶之民曰是  
神明也惡可或干桀驁者惡其妨已每聚羣不逞訛言  
訐亂公屹不為動曰尹不民擾民敢尹擾殺一尹則一  
尹至尹不畏死也未幾有賊數百人夜入邑邑民皆走  
公開門偵變賊突至刃傷公脅公坐罵曰死賊奴尹承  
天子命以父母汝者也汝欲殺汝父母耶賊駭愕散去  
公絕復蘓治瘡愈即出視事其方寸磬然有絕人者政

成五年陞邵武郡推官旌其庸也檄既下治行事漳人  
士咸歌詩以道之來徵予言予謂公厯省閩積年勞贊  
郡府選邑令朝習政典人稱吏師以南勝之反側邵武  
之簡靜令之勞劇推理之暇裕較而觀之其設施難易  
為何如也抑明刑之要在於知法外意公專是學而專  
是職他日平反之德所積者必厚矣又奚待於予言哉  
送憲府從事鄭君懋夫序

天朝所以經制國用者莫重於楮幣所以綜理吏治者

莫肅於憲紀憲紀不肅則吏治不張楮幣不流則國用不裕夫天下猶人之身也憲紀耳目也不撫其身則股肱弛矣楮幣血氣也不周於身則疾疢生矣然則楮幣之流壅國用之裕乏吏治之張否憲紀皆不能不加之意也自江淮盜起兵荒連年物重貨輕楮幣之行僅當昔之十一二至有家累千百緡而道莩者有司莫能禁憲府患之廼議所以變而通之之法以為兵荒之屢楮幣之壅莫甚於閩而閩人莫甚於漳選從事以為有司



之監非得通練廉恪之士不可僉謂鄭君懋夫宜君至  
則權法以祛弊審勢以度宜不棘以濫刑不徐以廢事  
唯以方寸之印識幣背民貿易無所滯又以穀價騰則  
幣力詘乃樽節境外商船不得多糴湧價行之旬月民  
皆言便歌之曰喁喁涸魚疇或濡之孑孑疲民疇或紓  
之糴過於境幣通於市從事之賢伊我民之利邦人士  
采民風為詩以華君歸來請序嗟夫楮幣國家之大信  
也信無不孚猶水無不流彼習故常者見其或壅也則

曰水不善流宜理也哉楮幣之壅久矣鄭君疏而流之亦以國家之信而示之耳不然幣之為法滯矣何方寸之印能使蚩蚩者氓斷斷而不疑哉惟我朝祖宗立十二道憲司以綱紀天下凡國政之得失民生之利病皆得舉悉而興除之况楮幣之行實足國裕民之攸繫歟使者變通之有術從事銜命之不辱是可序也已鄭君儒術飾吏嘗從林公清源遊其學以達政蓋有本云

送實達道之官興化序

至正戊子春予試藝京師寔與西原馬君原德同上春  
官原德嘗與予言實君達道之賢是年原德成進士予  
下第南歸適達道來監漳叅司相見即定文字交知其  
僑京口與原德居同里而學同門也又與余志同道而  
習同業也繇是交益久好益殷而相親敬益至今年夏  
達道辟行省掾未行朝廷銓閩浙郡縣官選君監邑興  
化檄下分閫復留贊軍務君以監邑朝命也不可後即  
治行來言別曰吾聞贈人以言仁者之心也走辱與吾

子遊有日矣今別去子能無言乎噫予之所欲言固君之所已行者矣言不言不足為君損益也漳郡左民悍寇警無寧歲監叅司者城池寄焉寇盜職焉當山海之寇迭發達道外將兵給餉內結民嚴守出則賊剽入則城堅所寄則舉所職則治非忠乎事母夫人色養備至退食怡怡侍傍問煥寒飽饑具道一日所決訟以聽慈訓惴惴焉惟恐負民負君以負其親非孝乎陽亢宗曰允學所以為忠與孝也予固因達道之所施而覘其所

以為學矣興化為莆外縣非叅司福郡之比山深民淳  
號為易治又非漳郡多警之似異日課令之最書上上  
考而璽書褒異者予於君焉卜之矣

送呂伯原應辟閩憲序

今朝廷選材惟於臺憲為尤慎官臺憲者辟從事書佐  
將以廣聰遠明贊裨不逮尤不容不慎焉然敏辯者或  
深忌不知體簡厚者或疎緩不立事必也治體之明吏  
事之練而無偏於所謂深忌疎緩者是憲臺之所以辟

書佐之所以稱也呂君伯原學足以知體材足以立事  
官世澤也而紂綺之無襲職近民也而謗讟之不聞郡  
侯器而薦之部使賢而辟之吾知伯原必能推其學展  
其材以無負於臺憲慎選之意也已抑余聞君伯兄憲  
使公嘗辟佐閩憲乃今敷歷中外為時聞人伯原繼踵  
以升一門棟鄂輝耀先後他日史氏載清白世家將以  
呂氏為稱晉矣故予於君之行也喜而序之不辭

送張以仁言事閩省序

張君以仁金浦傑士也業儒而飾吏識時達政慷慨有大志當李寇亂漳朝廷命大臣提兵討之部使者督師海上久無功君時避寇溫陵畫平寇之策以干部使者左公世臣公採而施行之動中事機無失公曰張寔吾左軍也凡軍事悉諮之既而師壓境寇遁穴君亦還家海上公版授以官君辭曰寇至則避寇退則反妻耘子耕山採水釣所樂者在是也官賞非敢異也適年潮寇屢警瀕海鄉落苦之君募鄉人掩擊戲俘大府終不言

功每念國政之弊民生之瘼未嘗不嘆息流涕以為弊之深瘼之重者莫若鹽法因條陳利病纖悉不遺不計以激不迂以疎大率以鹽為天地自然之利上之人惟當樽節愛養於民而已必欲上有以裕國用下有以紓民力莫如於產鹽之地募民自煎自鬻而貢其課則提鹽之官不必設私徙之禁不必嚴工本之費不必給舟楫轉運倉場出納皆不必勞將見亭竈日增課額日羨國家殷富民物阜康在一轉移間耳聞其言者婦子嘻



老者泣壯者拜而手加額官若吏嘖嘖感嘆以為關於  
民生國政之大里中生林某壯其言飲之酒而告之曰  
士生斯世凡甲兵錢穀籩豆有司皆吾分內事苟可裨  
國政者雖進草茅之言不為僭也昔馬周以一布衣因  
常何上言致擢御史今制陳軍國利病者旌官子之行  
豈無知子者哉矧行省肇立得以便宜制方面子能為  
倒懸之民一號於薇階之下吾意忠國仁民者將為子  
而感泣矣若然則子雖欲名之逃而名將子隨矣且子

獨不聞我東溪高光先生以胄子抗疏乞除六賊至今  
讀其書疏英風義氣令人骨凜毛豎君能以古人自期  
待則言雖不行猶傑士也於是漳人士咸為詩歌以道  
之請書予言為序予樂張君之為人輕官賞而重忠義  
也書之不辭

送葉掾歸閩省序

葉君仲安始以吏事進有能稱繼以戎勞上司勲擢漳  
郡架閣今福建行省平章政事普公器其才陞邵武貳

幙尋辟為掾普公方承制行事鋤奸植善威德南被以  
漳守羅公有靖邊功便宜授行省叅知政事分鎮漳泉  
君寔銜是命以來既還有讒君於平章公者曰葉掾以  
將命故受馬數匹白金若干斤公曰羅侯嚴果明察豈  
一介之使所能欺哉葉某以九品官吾起辟為掾葉德  
吾深矣詎忍污負於我耶又有讒君於叅政公者曰葉  
君之來吾燕以勞之猶辭焉金之不受不問可知矣既  
而讒言愈紛或謂君曰禍將不測子其殆哉君曰夫明

而遠者不行浸潤之言寧謂二相之賢而行之哉且諧  
始之不溺則雖蠅營之罔極終亦不能惑我二相之聽  
矣於是平章公遣信厚者與君面質於叅政公曰無是  
也備詢於舉者皆曰無是也前讒遂白普公信君之誠  
羅公益厚遇而重薦之君子謂普公視之遠羅公察之  
明不以讒之惑而加人之罪可謂有大臣之度矣向使  
讒生之初二公不加之審遽以罪君君不理於口直受  
自誣於二公之盛德豈不重有累也耶傳曰川澤納污

山藪藏疾易曰包荒用馮河不遐遺夫人有污疾上之人猶當廣包荒之量含垢以容之況於疑似之言未必有污疾之可議者乎予樂二公德量之有容而嘉葉君誠心之不欺也故於其歸序此以釋疑于人云

送孔叔原長泉山書院序

以聖人之裔學聖人之學而敷聖人之教于人其知本者歟斯君子所與吾鄙之所榮也余友孔君叔原寔先聖五十七世孫秀頴善學材範夙成弱冠列校官教漳

之南勝巖邑也民獷而俗悍君掖以禮義民俗克變滿  
秩郡庠賢之延以奉夫子廟今年春承省檄長泉山書  
院行有日來告別曰願聞子一言夫泉在閩號繁庶郡  
民多逐末利裔夷雜糅惟浮屠是崇逐末利則學不力  
崇浮屠則學以惑矧兵興以來詩書之教未易勝金革  
之習仁義之言未易弭戕賊之禍人將視聖教為迂緩  
然大賢朱晦庵真西山氏寔過化是邦雖夷習兵禍之  
淪斁而道源文脈有不能終絕者孔子曰雖蠻貊之邦

行泉山未易教於南勝之難則相萬矣吾叔原不難於  
彼豈不易於此哉亦惟以所學為教而盡心焉則感慕  
興起於下人皆有是心也於教職庶無愧乎

送孔善夫序

聖人之道與天地同大故其世澤亦與天地相為悠久  
文獻之盛代有可徵而崇德象賢靡間北南歷世以來  
未有若我朝之盛者也衍聖襲封上公曲阜裔孫布衣  
得授郡教一考即入流品江南諸裔加歷省註陞教于

郡恩數優異著在令甲吁亦盛矣孔君善夫衍出也於  
裔為南於世為五十有五至正庚子以察廉奉省檄貳  
教于漳予方攝教席見其俊爽以外揚貞介以內確知  
為方來之彥也間見其詩若文皆清雅有古法釋奠肅  
奉祀事月季嚴程諸生士習為之一變信乎聖人之澤  
如水行地逾遠而逾衍猶於善夫焉見之也既滿秩將  
沿檄赴京來別余曰某藉先聖餘澤得列學官今當典  
教一郡恒恐弗稱以負聖祖之教先生幸有言庶可規



於鄙吝也嗟夫羣聖之道莫盛於夫子歷世之崇其道  
莫盛於我朝吾子以聖裔入官固當學聖人之學心聖  
朝之心以自振厲將俾聖人之道復明於天下非特在  
一郡而已庶乎世澤可綿國恩可報其萬一也予之所  
以告子孰有過於此者哉善夫作而曰是可規已請為  
書之

送杜明之入京師序

武夷山水秀絕天下游者去猶不能忘矧居而得其趣

之深者乎蓋其幽勝萬狀奇怪百出使人應接不暇至  
於煙巖雲壑窮深索隱隨所寓而可樂必也居之久而  
復有以盡其勝譬之讀書千帙萬卷浩浩汗汗雖雜著  
曲說亦可裨吾之聰明旁搜博討積力深久則得於心  
者莫非可樂矣清碧杜先生隱居武夷山中朝命再徵  
竟不起蓋讀書之樂有得於游山之樂者也今子明之  
君蚤有譽縉紳間為詩若文清婉有古法所謂蘭出其  
芽鳳馘其雛者歟今年夏以王事涉海赴京舟阻不得

去明年候風便當再上友與其厚者咸賦詩為贈明之  
請以武夷諸奇命題分賦且謂予曰吾生山中自童而  
冠今將壯矣泉石之與儔猿鶴之相求某水某丘之釣  
游居之樂樂則違之必憂也今而詩之以詠而玩焉則  
茲山之勝瞭然心目孰為桑梓之所在孰為松檟之所  
留雖萬里猶跬步也予曰噫是非得山水之趣之深乎  
子之心可謂忠念而不忘孝思者矣吾聞遊覽四方有  
益於學蓋目力之濶遠則心胸之恢廓而凡近之習不

足言也今茲破長風駕巨浪觀大海之深岱嶽之高吾  
知明之有以充其偉邁之氣成其正大之學也必也忠  
孝事業寔本於此若乃丘壑之趣當不為明之芥蒂也

送長泰尹王夢臣序

魯建國自周盛際姬公禮樂之風孔子詩書之化漸摩  
淪浹終古不泯代生多賢天下莫及蓋其河嶽之氣鍾  
精孕靈以萃夫人故渾涵淵深以為之量秀爽峭拔以  
為之容詩書禮樂以為之學吾於王君夢臣為有徵焉

君魯人也優學躋仕厯掾閩省選令漳邑余始見其容  
之端於外也既又知其量之弘於中也則曰是詩書之  
化禮樂之風乎將河嶽清淑是孕是鍾乎抑魯之多賢  
而君能取之以成德於躬乎夫魯為君孔聖之所生而  
閩為吾朱子之所出一聖一賢世遠而道同焉君生孔  
聖之里而游朱子之鄉能以聞於近者而質於遠則禮  
樂詩書之教雖海濱亦洙泗將不徒在於魯矣推是以  
為教庶幾聖賢之道行之有其兆乎君報政歸故以是

為君諗若夫簿書期會之為能刀筆筐篋之為賢非君之所志亦非予之所望於君也是為序

送高君善夫歸閩序

今天下之士繇儒而進者有三途焉遺逸科目文學是已士學其學志其志將有待於事其事非故為是立異以干有司之舉有司舉之亦非有優劣於是也夫亦視其力之所及而公其心焉耳是故遺逸非隱也科目非競也文學非卑也顧遇知於有司何如也不以遺逸舉

則以科目進不繇科目進則繇文學辟士惟用是待有  
司惟知是舉果何容心於彼此哉晉安高君善父學懋  
以博文華以正閩士先之清原林先生素重許可每器  
君曰是鳴於方來者凡數舉於鄉皆不售部使者有知  
君薦為龍溪文學謂余曰遺逸皆天民之先覺吾無實  
以稱是科目又不利也學官位卑祿薄吾恥與草木同  
腐固不敢辭知己之薦庶幾古人為貧而仕也既上眎  
其廟與學則凜乎將壓矣乃告于尹于守議所以新之

願捐俸佐其費既又曰吾貧而旅食于此尹必不安是  
而以俸食我則無以遂我圖報先聖之心吾亦惟歸焉  
之為安耳士大夫聞而義之余曰古人所以自屑於官  
卑祿薄者惟求其職之易稱而已故辭富貴而居貧賤  
雖抱關擊柝委吏乘田不恥為之學官固卑矣祿亦薄  
矣而其職則未易稱也君不受常祿倡新廟學思以稱  
學官之職蓋憂道之心有重於憂貧也君子之辭受取  
予一斷於義使廟學不修教職不稱而但知食祿豈吾



善父之心哉遺逸科目之舉視學官其秩為崇然君子所以思其職者則不以崇庠而有間也君志慮未衰名譽方起當有薦而崇之者光明俊偉自見於世予於學官覘其兆矣故序其所以歸

送李一誠教授寧德序

南山之松長未及尋尺其聳壑昂霄之氣已挺乎不可遏小而為榱桷大而為楹棟其材之適用不待要於後而可卜於今於人亦然幼焉而嶷長焉而植壯焉必光

明而赫奕小試而不負所試大用而必稱其用亦於始  
馬卜之而已矣友生一誠為李氏佳子弟質粹而學力  
髣髴如老成人材範夙就士林器之去年用部使者薦  
為寧德教子知其氣之方銳材之克大用之未艾當不  
徒見於學官而有待也雖然學官固卑寔師道是繫未  
可以易視之也寧德稱多士石堂中村二先生之所講  
學固有傳而存者一誠思所以稱其職亦勉於學而已  
夫學積也南山之松非積久不能成棖楠楹棟之用君

子之學非積久不能成光明赫奕之業一誠勉乎哉學  
以資仕吾所望於一誠者唯此而已一誠行有日友與  
厚者咸賦詩以贈

林登州集卷八